

欽定大清會典事例

欽定大清會典事例卷八百六十三

工部

宮殿

景山

西苑

皇城之制

營建

景山○山在

神武門之北山前為

北上門門左右嚮北長廡各五十間其西為教習
內務府子弟讀書處東曰山左裏門西曰山右

裏門門內為

景山門入門為

綺望樓樓後即

景山。山周三里餘。為峯五。中峯高十一丈六尺。左右峯各高七丈一尺。又次左右峯各高四丈五尺。峯各有亭。踞其巔。中曰萬春。左曰觀妙。又左曰周賞。右曰輯芳。又右曰富覽。山後為

壽皇殿。

恭奉山東北。乾隆年間。移建於山北正中。南臨中峯。

殿門外正中。南嚮寶坊一。左右寶坊各一。北為戟城門三。門前列石獅二。門內戟門五間。

正殿九楹。規制仿

太廟。左右山殿各三楹。東為

衍慶殿。西為

綿禧殿東西配殿各五楹碑亭井亭各二碑亭恭
鑄

聖製重建

壽皇殿文碑陰分鑄清漢文重建

壽皇殿

諭旨

神廚

神庫各五間殿後東北為

集祥閣西北為

興慶閣殿東為

永思門。門內為

永思殿。又東為

觀德殿。殿東為護國忠義廟。范銅為

關帝立馬像。

西苑。苑在

西華門之西。門三。東嚮。門內為

太液池。源出玉泉山。從德勝門水關導入。匯為巨

池。周廣數里。上跨長橋。修數百步。東西樹坊。各

一。曰金鼇。曰玉螭。橋之北曰北海。南曰中海。又

南曰南海。即

瀛臺禁地為

皇帝駐蹕之所。循池東岸度橋折而西。臨池北嚮者為

德昌門。門三楹。左右朝房各三間。門內正中北嚮者為

勤政殿。正殿五楹。殿後為

仁曜門。門南過橋為

瀛臺。平隄石欄拾級而登。正中北嚮者為

翔鸞閣。閣廣七楹。建相風金鳳於屋極。左右延樓

迴抱各十九間。閣後有樓二。東曰祥輝。西曰瑞

曜。又南為

涵元門。門內東嚮者為

慶雲殿。西嚮者為

景星殿。正中南嚮者為

涵元殿。殿之東為

藻韻樓。西為

綺思樓。各六楹。正中北嚮相對者為

香宸殿。殿三楹。殿左右各有室三楹。曰溪光樹色。

曰水一方。北嚮。又左右各有北接室三楹。曰虛舟。曰蘭室。東西嚮。殿後南嚮崇基下臨者。即

瀛臺也。臺為趙臺陂舊址。即明時所謂南臺者。
國朝順治年間稍加修葺。

高宗純皇帝御書扁額。光緒初年復加修葺。臺之東為
春明樓。西為

湛虛樓。中庭有木變石。臺南為

迎薰亭。自

翔鸞閣至此。統名

瀛臺。三面臨水。臺南蓼渚蘆灣。參差掩映。即南海
也。○由

藻韻樓折而東南。屬者為

補桐書屋

高宗純皇帝嘗讀書於此。庭有雙桐。其一為風雨所摧。乾隆九年補植。北嚮

者為

隨安室。由書屋再折而東為

待月軒。軒南有

海神祠。北建六方亭於石巖上。曰鏡光。又構亭於

水中。曰初魚。轉石徑而南為北谷。

綺思樓西。山上有臺。額曰八音克諧。臺北為

長春書屋。屋後小室曰漱芳潤屋。西有亭臨池。曰

懷抱爽。左右山石間有劍石二。曰插笏。其南隔

池相對者為

寶月樓。○由

仁曜門折而東。過崑崙石。度橋有亭曰垂虹。又東
南一亭曰俯清泚。稍北為

淑清院。院東北隔水南嚮者為

葆光室。院左過小橋。有堂三楹曰

韻古堂。

堂舊為達溪在望。乾隆三十年西師奏凱後。適得江西所獻古鐫鐘。即藏斯堂。因易

名。今堂之左側垣門東有亭曰流杯。亭北為

素尚齋。齋左右迴廊。廊之東南池上有室曰千尺
雪。又東有亭曰魚樂。循池岸折而南為

日知閣。閣後左門東南為

春及軒。軒左為

文蘆館。又左為

芸齋。稍南為

賓竹室。室南為

蕉雨軒。又南為

雲繪樓。樓西為

韻磬居。又西南曰

清音閣。閣與樓上下相通。有門曰印月。門外東南

則船塢也。由閣沿隄而南為

同豫軒。軒後為

鑑古堂。軒前有室曰香遠。曰靜柯。曰自在觀。山下有室曰鷺濤。由

仁曜門折而西。有屋數楹為

聖祖仁皇帝養蠶之所。又西橋上有亭曰結秀。亭西為

豐澤園。

凡

西苑宮室皆仍明時舊址。豐澤園為康熙年間所建。南嚮門五

楹。門前有稻田數畝。

聖祖仁皇帝嘗親臨勸課農桑。雍正年間每歲

耕藉。先期演耕於此。乾隆年間踵而行之。門內為

惇敘殿。

本名

崇雅殿。乾隆年間以燕宗殿東為

室於此

移舊額於園西而改今名。

菊香書屋。殿後為

澄懷堂。堂北為

遐曠樓。園西有亭曰荷風蕙露。與亭相對有門。門

內為

崇雅殿。殿後東為

靜憩軒。西為

懷遠齋。又後有臺。北面臨水。其南隔水相對者為

純一齋。由

德昌門折而西。有門東嚮。入門循山徑而南為

春耦齋。北嚮。齋後隔池相對者為

聽鴻樓樓上下共五十四楹樓南徑路盤紆亭榭
閒出西北有小竹亭南折而東北嚮者為

植秀軒又折而西為石池池穿石洞出為

虛白室東嚮室南有亭曰竹汀亭南為

愛翠樓由竹汀再折而西有榭亭一又由

愛翠樓南下有佛宇一所北嚮臨池額曰大圓鏡

其東稍北有石門石門外即

荷風蕙露亭也由亭循池西岸而南為

茂對齋其右為

涵春室齋西有亭曰延賞由

春耦齋而北有園南嚮曰

瀛秀園為

慈禧端佑康頤昭豫莊誠壽恭欽獻崇熙皇太后駐蹕
之所正中為

壽光門。迤東東嚮為垂花門。額曰

瀛秀園。迤西西嚮為穿堂門。正殿南嚮為

儀鸞殿。又北為

福昌殿。各有東西配殿。又北過屏門為

喜福堂。有東西配房。由

壽光門迤西出穿堂門。又西入門為敞廳。曰丹青

綺紛。有東西平臺。南出隨牆門為蝠式殿。曰飛軒引鳳。殿前有卍字穿廊。廊左右有東西扇面殿。又南為雙環亭。曰蕙圃珠泉。亭左右池水映帶。亭之前有東西配房。又南出花牆門為

芳華樓。樓左右山石縈繞。由敞廳之北過屏門為錫福堂。又北為

永福堂。又北為

增福堂。又北為

來福堂。謂之四所。由

藏秀園循池西岸而北。有堂一所東嚮為

迎春堂。共三所。每所有西正殿及南北配殿。又北有高閣。南嚮曰

紫光閣。閣為明之平臺。

國朝改建為閣。

聖祖仁皇帝常仲秋校射於此。嗣後於閣前試武進士。至今循以為例。乾隆年間

十全紀勝。凡在事諸臣炳列丹青。並弄藏得勝靈壽及俘獲軍器。又自乾隆二十六年後外藩筵宴亦於此。閣後為

武成殿。左右有廡各十有五楹。又北為

時應宮。前殿正殿後殿凡三層。祀

龍神龍王。宮之東為

福華門。門外即金鰲玉螭橋西街。○由

西苑門循池東岸而北為

蕉園。

蕉園一名松園。園內有明崇智殿舊址。

嚮北有門。入門南折而

西。面南者為

萬善門。門內為

萬善殿。後為

千聖殿。其東為

迎祥館。館東為

朗心樓。樓廣三楹。樓東南有壇五楹。

千聖殿西為

集瑞館。館西為

悅性樓。樓廣三楹。自

萬善門西行抵水埭。有亭出水中。曰水雲榭。石碣恭鐫

高宗純皇帝御書太液秋風四字。即燕山八景之一也。

榭之北有長橋。即金鼇玉竦橋。西紅牆夾道。有

門相對。南即

福華門。北為

陽澤門。與

闕福寺通。○金麓玉竦橋之東有崇臺。因臺為圓城。俗名圓城。周圍數百步。兩掖有門各一。東曰昭景。西曰行祥。皆有樓。入門由磴道左右分上。其中為

承光殿。即元儀天殿之舊也。殿前有古梧。傳為金時遺樹。殿南

石亭置元時玉甕。恭鐫

聖製玉甕歌。柱間刻詞臣奉

敕詠玉甕詩。殿後為

敬躋堂。十有五楹。北環城南抱

承光殿。東為

古籟堂。又東有亭曰朵雲。西為

餘清齋。由齋內曲廊而西。有亭曰沁香。其後小石
山上。有亭曰鏡淵。城外東西以紅牆為界。有門
二。東曰

承光左門。西曰

承光右門。北駕石橋。有牌坊二座。南曰積翠。北曰
堆雲。過橋即

永安寺。○圍城之北。過積翠堆雲橋。為白塔山。
為

西苑之鎮。即金之瓊華島。元時所謂萬歲山。或稱

萬壽山也

國朝建白塔於山頂。因易今名。山之南為

永安寺。寺門三間。南嚮。入門為

法輪殿。殿五楹。殿後石磴拾級而升。有坊一。左右
有亭二。東曰引勝。西曰滌靄。亭內各有石幢。恭

錫

聖製白塔山總記及塔山南面西面北面東面記。亭後
各有石亭。下各為石洞。穿洞由甬道拾級而上。
左右覆洞有方亭各一。東曰雲依。西曰意遠。平
處為佛殿前為

正覺殿後為

普安殿。東西殿各一。曰聖果。曰宗鏡。寺牆之東緣

山而升。有亭曰振芳。再升有亭曰慧日。稍西有

穹碑二。

一錫順治八年建塔記。一錫雍正十一年重修記。

再升則

普安殿之東廊。寺牆之西緣山而升。有亭曰蓬壺。

挹勝。再升為

悅心殿。每值

臨幸塔山。視事於此。殿後為

慶霄樓。樓上下各七楹。南嚮。

高宗純皇帝每逢臘日奉

皇太后觀冰嬉於此殿東為

靜憩軒。轉石屏入牆門。接

普安殿。殿後躡石磴層躋而升為

善因殿。殿後即白塔。其下為藏此塔山之南一面

也由

慶霄樓西折而下有二道。其一循樓而南。不數武有室曰一房山。其房覆湖石而成。由房南開石巖蟠旋而下為

蟠青室。室皆迴廊環抱。由

悅心殿西角門出。山半有亭曰揖山。其下有石橋。

南北有坊各一。過橋又南北有坊各一。橋之北正中為

琳光殿。其一循樓轉而北。有亭曰妙髮雲峯。厯石磴而下。有殿曰水精域。再下為

甘露殿。殿前即

琳光殿。再轉而北。長廊二十五楹。左右圍抱相合者為

閱古樓

壁嵌三佛樓後有亭曰煙雲畫態稍北

為

欽鑑室。室三楹。此塔山之西一面也。由

閱古樓轉而東。有亭曰邀山。又東北曰

酣古堂。堂三楹。西嚮。倚石為洞。循洞而東為

寫妙石室。室之東間為樓。緣梯而降。復為石洞。循

石洞東行數百武。再穿石洞而出。有小厂三間。

曰

盤嵐精舍。再轉而北為

環碧樓。由樓繞廊而下為

嵌巖室。再折而西。山上有亭曰一壺天地。又西有

房為摺扇形。曰延南薰。循洞門北行數十武。亦

達摺扇形房。自房而西有亭曰小崑邱。亭西有

平臺石柱為銅仙承露臺。又西為

得性樓。樓下為

延佳精舍。稍北為

抱沖室。樓左右翼以山廊。懸磴而下為

鄰山書屋。與

畝鑑室之北牆相通。其東為

漪澗堂。堂正中北嚮者為

碧照樓。樓長廊六十楹。左右環繞。極東曰

漪晴樓。極西曰

分涼閣。又

碧照樓之左為

遠帆閣亦北嚮閣後為

道甯齋齋與

鄰山書屋相接由

漪瀾堂而東有堂曰晴欄花韻堂前有臺與堂相對又東為

紫翠房即順山房又東為

蓮華室此塔山之北一面也由瓊島春陰石幢拾級而上為

看畫廊繞廊而上為

交翠庭。庭之下。廊之側。攀援石洞而出者。為古遺堂。與堂相對者。為

密影亭。自堂躡梯以下。仍緣石洞而出者。為

見春亭。亭南即

智珠殿。殿前過橋而東。即

涉山門。此塔山之東一面也。

承光殿之東。與

蕉園門相對者。為

桑園門。入門循池東岸而北。數百步。過

涉山門。西有水殿十一楹。藏

御舟。東有門三間。西嚮。門內循廊躋山而北。山巔有堂曰

雲岫。北嚮。曰

崇椒室。西嚮。又循長廊曲折北下。有軒曰濠濮間。北嚮。臨池有石梁。北接石坊。坊北門三間。入門為

春雨林塘殿。殿後有軒曰空水澄鮮。池北相對者為

畫舫齋。迴廊四面。臨瞰方池。池上兩廊各有室。東為鏡香。西為觀妙。齋之左為

古柯庭。庭東為

緣意廊。廊北為

得性軒。庭後有室曰奧曠。西嚮。齋之右為

小玲瓏室。水殿北為

龍王廟。廟後有橋。南北坊各一。過橋而北即

先蠶壇。東為

觀桑臺。臺後為

親蠶門。門內即

親蠶殿。廣五楹。東西配殿各三間。殿後為浴蠶池。池

北為

後殿均覆以綠琉璃瓦。宮左為蠶婦浴蠶河。南北橋各一。南橋之東為

先蠶神殿。西嚮。左右牲亭并亭各一。北為

神庫。南為

神廚。殿垣之左為蠶署三間。北橋之東為蠶所二。十七間。皆西嚮。由壇西折而北為荷沼。其北為鏡清齋。齋東為

抱素書屋。循書屋東廊而下為韻琴齋。其左有亭曰碧鮮。南嚮。

鏡清齋西為

畫奉室。齋後為

沁泉廊。廊西四面皆山。山上有亭曰枕壑。廊東有

石橋。橋南即

抱素書屋也。橋北躡磴而上為

卷畫軒。循軒東廊而南為

焙茶塢。由

鏡清齋沿隄西南行為

西天梵境。門前有琉璃牌坊。南臨

太液池。入門為

天王殿。殿後為

大慈真如寶殿。又後為

大琉璃寶殿。殿四面迴廊相接共六十七間。四隅

各有樓。

西天梵境之西有琉璃牆。牆北為

真諦門。門內為

大圓鏡智寶殿。殿後為

寶網雲亭。亭北及左右屋宇共四十三間。為儲西

藏經板之所。

太液池之北。水中有亭。面臨北海者為

五龍亭。中曰龍澤。左曰澄祥。曰滋香。右曰湧瑞。曰

浮翠亭後有石坊二。其北為

闌福寺。入門為

天王殿。殿後為

大雄寶殿。再後有殿曰真實般若。寺東為

漱觀堂。堂之後有殿曰寄清淨心。又曰

浴蘭軒。軒後為

快雪堂。堂五楹。壁嵌舊刻快雪堂法帖石刻。寺西有方殿七楹。

曰極樂世界。四隅各有亭。池流環抱。四面跨白

石橋。橋外有琉璃坊。其北為

萬佛樓。樓廣七楹。三層。樓前東樹寶幡杆一。西立

石幢一樓南有池池上有橋橋南為

普慶門有坊一橋北有坊一

萬佛樓東為

寶積樓西為

雙輝樓左右各有門東門內為

澄性堂堂外環以長廊前有池後有山山後為

鏡藻軒軒西南為

欽爽樓正西有圓光門一內有室三楹曰

澹吟室軒東南為

湛碧亭正東為清約池又有亭曰

妙相亭。亭後卽

真實般若殿。

萬佛樓西有門。接通衢卽

陽澤門道也。

皇城之制。

皇城居都城之中。垣周十八里有奇。共三千六百五十六丈五尺。高一丈八尺。下廣六尺五寸。上廣五尺三寸。甃以甃。塗以朱。覆以黃琉璃瓦。其門凡四。南曰

天安門。北曰

地安門東曰

東安門西曰

西安門

天安門外東西南三面垣周四百七十二丈三尺

六寸南為

大清門東為

長安左門門外垣周一百五十五丈西為

長安右門門外垣周一百六十七丈五尺一可各

設三座門

紫禁城居

皇城之中垣周六里廣袤一千六十八丈三尺二寸南北各長二百三十六丈二尺東西各長三百有二丈九尺五寸高三丈雄堞崇四尺五寸五分其門凡四南曰

午門北曰

神武門東曰

東華門西曰

西華門四隅角樓各一垣外東西北三面守衛房舍共七百三十二間。

皇城内河流四面環繞其由

地安門西步梁橋流入者。經

景山西門而南環

紫禁城。是為護城河。其西面之水。自

紫禁城西南隅引入。流經

天安門前。外金水橋下。東南注玉河者。是為外金

水河。其由

神武門西地溝引。護城河水流入。沿西一帶。經

武英殿前。至

太和門前。內金水橋下。復流經

文淵閣前。至三座門。從

鑾駕庫巽方繞出

紫禁城者是為內金水河。俗名箭子河。其由

西闕門下地溝引護城河水流入。經

午門前至

東闕門外循

太廟右垣南流。折而東注

太廟戟門外。箭子河東南合玉河者。係乾隆二十五年

奉

旨所開之水道。至由

地安門東步梁橋流入。經

東安門內望恩橋下流注玉河者。又別為一道也。
營建。○順治元年。

定鼎燕京上

大清門牌額。○二年。定正中三殿名。殿前曰

太和門。門之左曰

昭德門。右曰

貞度門。東廡之中曰

協和門。西廡之中曰

雍和門。

太和門之後曰

太和殿殿之左曰

中左門右曰

中右門東廡之中曰

體仁閣閣之北曰

左翼門西廡之中曰

宏義閣閣之北曰

右翼門

太和殿後曰

中和殿

中和殿後曰

保和殿殿之左曰

後左門右曰

後右門○是年。

敕建

乾清宮○四年奉

旨重建

午門九楹重樓三闕明廊傑閣中三間東西為左

右掖門○八年因承天門舊制改建

天安門○十年建

慈寧宮於

隆宗門之西。○十二年重建。

內宮前曰

乾清門。東垣之中曰

景運門。西垣之中曰

隆宗門。

乾清門之內曰

乾清宮。宮後曰

交泰殿。殿後曰

坤寧宮。宮後曰

坤寧門。○又重建。

景仁宮

承乾宮

鍾粹宮於東一長街之東重建

永壽宮

翊坤宮

儲秀宮於西一長街之西○十四年。

敕建

奉先殿前後殿各七楹○康熙六年建

端門○八年。

敕建

太和殿。南北五楹。東西廣十一楹。○又迎

坤寧宮。吻安。

交泰殿。金頂。○又重修。

乾清宮。○十八年。重建。

奉先殿。○二十一年。建。

咸安宮。○二十二年。重建。

文華殿。五楹。○又重建。

啟祥宮。

長春宮。

咸福宮。於西二長街之西。○二十五年。重建。

延禧宮

永和宮

景陽宮於東二長街之東。○二十七年建

寧壽宮。○三十四年重修

太和殿。○三十六年重建

承乾宮

永壽宮。於

坤寧宮左右建

東暖殿

西暖殿。○三十七年重建

太和殿。○雍正九年奉

旨於

日精門長街之南。

仁祥

陽曜二門之中。建

齋宮五楹。以為大祀致齋之所。○乾隆元年。改雍
和門為

熙和門。○二年。重修

奉先殿。○五年。於

啟祥宮之西。建

建福宮。○十二年。於

乾清門左右建直廬各一十二間。又於

景運

隆宗二門內之南。各建直廬五間。北嚮。○十四年。

改建

壽皇殿於

景山中峯之北。○十五年。於

景山中左右五峯之巔。各建亭一。○十六年。因

咸安宮舊址。改建

壽安宮。○又重修

慈寧宮。○十九年。於

長安門外東西各增築圍牆。並增建三座門。○二十四年。於

東華門內。迤北建琉璃門三座。○二十五年。因西苑內平臺故址。改建

紫光閣五間。圖功臣像於閣上。又於閣後建武成殿五間。殿前設左右廡各一十五間。直房一十三間。○又奉

旨。將廣儲司兆祥所尚衣監。改建

皇子住房三百六十間。○又重修

咸安宮官學二十七間。○二十七年重修。

天安門

端門春門二座。並隨春城牆二道。○又重修。

慈寧宮之

英華殿。○又奉

旨將東長房改建

皇孫住房一百二十一間。○二十九年

天安門外建石橋七座。○三十年重修。

太和殿

中和殿

保和殿。○三十六年奉

高宗純皇帝特旨重修

寧壽宮

宮為康熙年坤閣所建乾隆壬辰奉
修為康熙年坤閣所建乾隆壬辰奉
旨重

落成○三十九年

收竣

文淵閣於

文華殿之後以為藏書

欽定四庫全書之所○四十一年增築長廊於

紫光閣之前○嘉慶二年重修

乾清宮並

乾清宮左右之

昭仁殿

宏德殿○又重修

交泰殿○六年重修

齋宮並添建

繼德堂後穿堂一座○又重修

午門○七年重修

養心殿

儲秀宮

延禧宮及

上書房。○又重修

重華宮及

建福宮。○光緒十五年重修

太和門

昭德門

貞度門。○十七年重修

重華宮。○又重修

寧壽宮。

欽定大清會典事例卷八百六十四

工部

大祀

壇

廟規制

天壇
社稷壇

地壇

太廟

天壇○原定

圜丘在正陽門外。制圓。南嚮三成。上成面徑五丈九尺。高九尺。二成面徑九丈。高八尺一寸。三成面徑十有二丈。高八尺一寸。每成面輒用一九七五陽數。周圍欄板及柱皆青色琉璃。四出陛各九

級白石為之內壇周九十七丈七尺五寸。高八尺一寸。厚二尺七寸五分。四面各三門。楔闕皆制以石。朱扉有櫺。門外各石柱二。綠色琉璃燐柴鑪一。瘞坎一。外壇方二百四丈八尺五寸。高九尺一寸。厚二尺七寸。門制如前。高用周尺餘用今尺下同

皇穹宇在

圓丘後。制圓。八柱旋轉。重檐。上安金頂。基周十有三丈七寸。高九尺。欄板高三尺六寸。東西南三出陛。各十有四級。左右廡各五間。一出陛。皆七級。殿廡欄檻均青色琉璃。圍垣周五十六丈六尺八

寸。高丈有八寸。門三。南嚮。壇外壝門外東北為神庫五間。南嚮。

神廚五間。井亭一。六角。閑以朱櫺。均西嚮。垣一重。門一。南嚮。祭器庫。樂器庫。稷薦庫。各三間。西嚮。垣一重。門一。南嚮。宰牲亭三間。南嚮。井亭一。六角。閑以朱櫺。西嚮。垣一重。門一。南嚮。壇內垣東西南皆方。正北為圓形。設四門。東曰

泰元門。南曰

昭亨門。西曰

廣利門。北曰

成貞門。皆三間。

廣利門。南角門一。

昭亨門。外東西石牌坊各一。

成貞門西大門一。左右門各一。為

聖駕詣齋宮出入之門。

大享殿在

圍丘北。制圓南嚮。外柱十二。內柱十二。中龍井柱四。圓

頂三層。上覆青色。中黃色。下綠色。琉璃。上安金

頂。殿基三成。衛以石欄。南北各三出陸。東西各

一出陸。上二成各九級。三成各十級。東西兩廡

二重。前各九間。後各七間。均覆綠琉璃。前為
大享門五間。亦覆綠琉璃。崇基石欄。前後三出陛。各
十有一級。門東南綠色琉璃燔柴鑪一。瘞坎一。
南嚮。內壝方一百九十丈七尺二寸。東西南
門三。各三間。北琉璃門三座。後為

皇乾殿。南嚮五間。上覆青琉璃。下衛石欄。五出陛。各九
級。東轍門外廊房七十二間。聯檐通脊。北為
神庫五間。南嚮。左右

神廚各五間。東西嚮。井亭一。六角。開以朱櫺。西嚮。
垣一重。門一。東為宰牲亭五間。南嚮。井亭一。六

角。開以朱櫺。西嚮。垣一重。門一。均南嚮。

成貞門外西北為

齋宮。東嚮。正殿五間。崇基石欄。三出陛。正面十三級。左右各十五級。陛前設齋戒銅人。時辰牌。石亭各一。後殿五間。左右配殿各三間。內宮牆方一百三十三丈九尺四寸。中三門。左右各一門。前跨三石梁。左右各一梁。鐘樓一座。迴廊一百六十三間。外宮牆方一百九十八丈二尺二寸。

大享殿內垣南接

園丘。東西環轉至北為圓形。東西北壇門各三間。西門

南角門一。壇內垣共周千二百八十六丈一尺五寸。高丈一尺。趾厚九尺。頂厚七尺。壇門七座。每座三間。神樂觀東嚮。正中大殿五間。崇基三出陛。各六級。左右步廊各二間。後顯佑殿七間。左右各三間。殿後袍服庫二十三間。典禮署奉祀堂。南北各三間。左右門各三間。左門東通贊房。恪恭堂。各三間。正倫堂。侯公堂。各五間。南轉穆僉所三間。右門東掌樂房。協律堂。各三間。教師房。伶倫堂。各五間。北轉昭僉所三間。前後均聯檐通脊。正門三間。三出陛各四級。圍牆東西

四十四丈四尺。南北二十丈七尺二寸。犧牲所。南嚮大門三間。內花門一座。正房十有一間。中三間奉司犧牲神。左右牧夫房各二間。牛房各二間。後屋十有六間。內滿漢所牧房各三間。所軍房一間。儲草房五間。草夫房四間。東邊兩重四十八間。內儲料房二間。儲草房三間。牛房十有五間。羊房五間。鹿房二十間。兔房三間。西邊一重十有五間。內庫房一間。泡料房磨房各二間。豕房五間。牛房五間。鹿檻牛枋均分列屋之左右。西北隅官廳三間。東嚮井一。北門一間。圖

牆東西五十二丈。南北五十二丈五尺。壇外垣前方後圓。周千九百八十七丈五尺。高一丈一尺五寸。趾厚八尺。頂厚六尺。西嚮門一。三間。角門一。○康熙十二年

諭神樂觀大殿所懸牌扁係太和殿三字。著改為凝禧殿。○雍正三年議准。

天壇舊有望鐙臺三座。鐙杆三根。因年久杆木朽爛。應行修建。鐙杆每根長九丈。大徑二尺七寸。小徑一尺二寸。朱紅油飾。祭時懸鐙。○乾隆八年遵

旨修理

天壇齋宮。建正殿五間。左右配殿六間。內宮門一座。迴廊六間。修理券殿一座。方亭一座。宮門六座。石橋十座。鐘樓一座。外圍廊房一百六十三間。拆漫月臺。修理河道牆垣。○又奉

旨

天壇燎鑪五座。樣式不齊。著交太常寺畫一辦理。○又奉

旨神樂觀改為神樂所。○十二年奏准

天壇內垣長一千二百八十六丈一尺五寸。高丈一尺。趾厚九尺。頂厚七尺。外垣長一千九百八十七

丈五尺。高丈一尺五寸。趾厚八尺。頂厚六尺。四圍牆頂牆身。皆年久損壞。完固整齊者甚少。應將牆頂坍塌椽題望板朽爛者更新。牆身劈裂者用甎包砌。其微覺完整者量加插補拘抵。但如此修理。未能周徧。間有剝落損壞。仍須隨時黏補。且損壞之處包砌城甎。現在完整處依舊土牆。觀瞻不一。應請一律拆修。外垣兩掖出檐各四尺四寸。酌收一尺二寸。牆身內外均鏟去浮土。上包城甎二進。下包城甎三進。舊有泊岸坍塌處。用灰土築打。內垣裏外出廊外闊六尺。

八寸。舊有檐柱。因出檐較闊。不能負重。以致頭頂沈垂。雨水淋漓。檐柱朽爛。酌將裏外檐均改進四尺八寸。不用檐柱。牆身內外鍤去浮土。上包城甃二進。下包城甃三進。共需物料工價銀十萬兩有奇。○又奏准。

天壇內外垣至

泰元門之東有廢垣一座。僅存甃石。為前明嘉靖年間所置崇雲壇以備禱雨。壇成未經行禮而罷。國朝祈雨既於

圜丘行

躬禱禮。又每歲孟夏龍見行

常雩禮。祀

天於

圓丘。是崇雩壇洵屬無用。請交部拆卸。亦可為現今修理內外圍垣之用。○十四年

論

圓丘壇上張幄次及陳祭品處過窄。可將

圓丘三層壇面。仍九五之數量加展寬。則執事者得以從容進退。益昭誠敬。欽此。遵

旨。議定展寬壇面。請依

聖祖仁皇帝御製律呂正義所載古尺上成徑九丈。取
九數。二成徑十有五丈。取五數。三成徑二十一
丈。取三七之數。上成為一九。二成為三五。三成
為三七。以全一三五七九天數。且合九丈十五
丈二十一丈。共成四十五丈。以符九五之義。至
壇面輒數。原制上成九重。二成七重。三成五重。
上成輒取陽數之極。自一一起。遞加環砌。以至
九九。二成三成。圍輒不拘。未免參差。今壇面既
加展寬。二成三成。亦應用九重。遞加環砌。二成
自九十至百六十二。三成自百七十一至二百

四十三。四周欄板。原制上成每面用九。二成每面十有七。取除十用七之義。三成每面積五。用二十五。雖各成均屬陽數。而各計三成數目。並無所取義。今壇面丈尺既加展寬。請將三成欄板之數。共用三百六十。以應周天三百六十度。上成每面十有八。四面計七十二。各長二尺三寸有奇。二成每面二十七。四面計百有八。各長二尺六寸有奇。三成每面四十五。四面計百八十。各長二尺二寸有奇。每成每面亦皆與九數相合。總計三百六十。取義尤明。再三成徑數均

條古尺。而所定中心圓面。周圍壓面。及九重之長。則皆係今尺。至三成臺高。現今上成高五尺七寸。二成高五尺二寸。三成高五尺。並欄柱長闊高厚。以及階級寬深。亦皆係今尺。再壇面甃砌。及欄板欄柱。舊皆青色琉璃。今改用艾葉青石。樸素渾堅。堪垂永久。飭令管工官於直隸房山縣開採選用。○十五年奏准。

皇穹宇舊制。臺面前檐。鑲砌青白石。周圍接墁天青色琉璃甃一路。每甃長二尺。闊一尺二寸五分。今園丘業經議改青石。此處似宜一例改用青白石鋪墁。

再

祈穀壇

大享殿外三層壇面。從前屢經修補。甃色不一。請改用金甃漫砌。又

諭

大享殿前兩廡。係前後兩重。乃前明時禘祭所建。今禘祭之禮既不舉行。而前後兩廡又屬參差。俟興修時。將後一層拆去。再

兩郊壇宇工程所用物料。皆令各省辦解。所需銅亦應著雲南省辦解。即酌定數目奏聞。行令該省辦解應

用○又奏准

天壇

皇穹宇

祈穀壇

皇乾殿門樓圍垣向皆綠瓦並請改為青琉璃以符體制至

皇穹宇扇面牆上身抹飾青灰今請改天青色琉璃甃成砌○又奏准

兩郊大祀陪祀官行禮處嵌設品級拜石百官屆時按班就次行禮○十六年奏准

祈穀壇牌扁舊書

大享二字。殿與門同。名義未協。蓋緣前明初建大祀殿。合祀天地。至嘉靖九年。定南北郊二至分祀。罷大祀殿不用。十七年。議舉明堂秋饗。遂改大祀為大享殿。

國朝即於其地舉行

祈穀之禮。舊有題額。襲用未改。考大享之名。與孟春祈穀異義。應請別薦嘉名。奉

旨改為

祈年殿門為

祈年門。○十七年奏准。

祈年殿舊制。三覆檐成造。上層青瓦。中層黃瓦。下層綠瓦。考明初合祀天神地祇。前代帝王。是以瓦片分為三色。

國朝改為祈穀於

上帝之所。瓦片仍用三色。今改為

祈年殿。所有殿及大門兩廡。均請改用青色琉璃。再

圓丘壇內外壇垣。舊制皆覆綠瓦。應均換青色琉璃。其

東西南北壇門四座。以及

祈穀壇門三座。及隨門圓垣。離壇稍遠。仍照舊制。蓋覆

綠瓦。○又奉

旨

圓丘壇青白石。仰覆蓮座安螭頭成造。

皇穹宇單檐式成造。地面用青石鋪墁。牆身檻牆用臨清城甃。金柱准照轉枝蓮油飾。○十九年奏准。犧牲所房宇。經年久遠。間有傾圮滲漏。交與修理。

雨壇工程處覈估修理。○又奉

旨。

天壇西面外垣之南相對

先農門處。增建門一座。垣內增建鐘樓一座。門外甬

路一律成造。嗣後遇祭

天壇。即進新建之南門祭

祈年殿。仍進北門。○二十年奉

旨。神樂所改為神樂署。○三十五年奏准重建

天壇望鐙杆三根。通高十丈四尺。大徑二尺四寸。小徑一尺四寸。餞木九根。各通高六丈一尺五寸。大徑一尺五寸。小徑一尺一寸。朱紅油飾。○五十年重建

祈穀壇配殿。○嘉慶七年奏准重建

天壇南首望鐙杆一根。餞木三根。均朱紅油飾。座臺夾

杆等石俱照舊式成砌。○二十三年

諭

天壇望鐙杆木丈尺。雍正年間定例原係九丈。嗣於乾隆年間。四川總督阿爾泰辦到杆木較長。始奏准通高十丈四尺。較立杆木增長一丈四尺。現在杆木因年久閒有蟲蛀處所。自應敬謹更換。杆木舊有定制。若照增長丈尺。恐一時採辦維艱。著四川總督湖南巡撫。仍查照雍正年間定例。委員採辦。長九丈。大徑二尺七寸。小徑一尺二寸。杆木正副六根。外戩木十八根。即行運京以備更換。○同治十二年奏准。重建

天壇南首望燈杆一根。朱紅油飾。座臺夾杆等石俱照

● 舊式成砌。○光緒十五年

論

天壇祈年殿祀典攸關。著工部奏明派員敬謹勘估。請

旨辦理。

地壇○原定。

方澤在安定門外。制方。澤周四十九丈四尺四寸。深八尺六寸。闊六尺。祭日儲水。水深以過龍口為度。澤中方壇。北嚮二成。上成方六丈。高六尺。二成方十丈六尺。高六尺。二成壇面均用黃色琉璃。

合六八陰數外環砌白石每成四出陞各八級
二成南左右設五嶽五鎮五山北左右設四海
四瀆各石座分刻山形水形均東西嚮水形座
周圍鑿池儲水以祭內壇方二十七丈二尺高
六尺厚二尺壇正北三門石柱六東西南各一
門石柱二楔闕皆制以石朱扉有櫺壇北門外
西北隅瘞坎一東西門外南北瘞坎各二外壇
方四十二丈高八尺厚二尺四寸門制如前

皇祇室在

方澤後五間北嚮脊瓦均綠色琉璃圍垣正方周四十

四丈八尺。高丈一尺。正門一間。

神庫樂器庫各五間。均北嚮。

神廚祭器庫各五間。東西嚮。井亭一。東嚮。四面開。以朱橋。垣一重。門一。北嚮。宰牲亭三間。北嚮。井亭一。東嚮。四面開。以朱橋。垣一重。門一。北嚮。西

北為

齋宮。東嚮。正殿七間。崇基石欄。五出陛。中九級。左右各七級。南北一出陛。各七級。左右配殿各七間。侍直房南北各七間。宮牆周百有十丈二尺。正門一。左右門各一。均東嚮。西北鐘樓一。祠祭

署三間。在內垣西門外。東嚮。左右各三間。垣一重。門一。壇內垣周五百四十九丈四尺。北門三間。東西南門各一間。東西角門各二間。壇外垣周七百六十五丈。西壇門三間。西北角門一。自壇外垣西門南北夾牆各七十一丈二尺。直西為泰折街牌坊。坊前界以朱欄。長二十六丈。○
雍正二年奉

旨

方澤壇外牌坊。舊名泰折街。著改為廣厚街。○三年議
准。

方澤壇舊有鐙臺一座。鐙杆一根。應行修理。杆通高九丈。大徑二尺七寸。小徑一尺二寸。朱紅油飾。祭時懸鐙。○八年修理。

地壇齋宮。改建正殿七間。修理左右配殿十有四間。宮門一座。增建內宮門三間。守衛房十有二間。○

乾隆十四年

諭稽古明禋肇祀

郊壇各以其色

地壇方色尚黃。今

皇祇室乃用綠瓦。蓋仍前明舊制。未及致詳。

兩郊大享殿在勝國時合祀

天

地山川。故其上覆以青陽玉葉。次黃次綠。具有深意。且南郊用青而

地壇用綠。於義無取其議更之。欽此。遵

旨議定。制禮從類。辨色從方。原屬不易之道。况棟宇榱桷。乃以安

神祇而昭妥侑。其義尤謹。明代南北兩郊分祀而

皇祇室舊用綠瓦。詳考禮經。並無證據。按綠乃青黃間

色。誠如

聖諭於義無取。坤卦天元地黃。考工記。天謂之元。地謂之黃。二者實乾坤正色。今

北郊壇甃墼瓦。及牲幣帷幄。色皆用黃。乾隆十三年遵旨議定。邊豆成式。

地壇祭器。色亦用黃。契合古制。甬神與歆神。不當有異。皇祇室舊用綠瓦。應遵

旨。易蓋黃琉璃瓦。○又奏准。

地壇神庫。宰牲亭之右。有井無亭。應照左旁增設井亭。
一○十五平奏准。

方澤壇。二成壇面甃。舊用黃琉璃。惟中含六六陰數。其

外悉係小軌湊合。並無成法。今遵

旨照依

園丘壇改墁石塊。仍就壇面鑿成榫眼。安設幄次。請將石塊數目。上成正中。仍照原制六六三十六。外八方均以八八積成。縱橫各二十四路。二成倍上成八方八八之數。半徑各八路。以符地偶之義。至

方澤壇正位幄次。舊制進深一丈六尺五寸。面闊一丈二尺。配位幄次。舊制進深一丈五尺。面闊一丈一尺。較之

天壇幄次過大。而

方澤壇正位牲匣。設於幄內。配位牲匣。又係半在幄內。半在幄外。體制未免參差。執事官員。趨踰未便。請將正幄配幄。面闊尺寸照舊。毋庸酌議。其進深尺寸。均改爲一丈二尺。照

圓丘之制。均於幄次之中。安設牲匣。再

皇祇室正殿覆瓦。已奉

旨改用黃琉璃。其門樓圍垣。亦應請改黃色琉璃。以昭畫一。○十七年奏准。

地壇工程業已告竣。各處殿宇牆垣。皆新建整齊。惟從

前舊有洩水溝渠。年久湮塞無存。一經雨水。無從宣洩。積潦難消。請交欽天監官詳加相度。於外垣之內。四面開土溝一道。使內外諸處雨水。各順地勢流入溝內。統於東南外垣下洩出。歸入護城河中。庶免雨水積聚之患。計溝長七百四十八丈。又各處甬路下。增挖過水小溝。地面起高。平整出水。總匯處成砌券門。嗣後交與太常寺於每年未雨之先。飭令壇官董率壇戶。先期疏濬。毋使壅積淤塞。○三十年。重建

地壇望鉦杆一根。通高十丈七尺五寸。大徑三尺。小徑

一尺五寸。戲木三根。長五丈四尺。大徑一尺五寸。小徑一尺。均朱紅油飾。臺座夾杆等石。俱照舊式成砌。○三十七年奏准重建。

地壇牌坊一座。○五十年奏准重建。

地壇望鐙杆一根。通高十丈七尺五寸。大徑三尺。小徑一尺五寸。內除夾杆並座臺埋深一丈七尺五寸。淨高九丈。戲木三根。長五丈四尺。大徑一尺五寸。小徑一尺。均朱紅油飾。臺座夾杆等石。俱照舊式成砌。○嘉慶五年。

高宗純皇帝升配

方澤重修

皇祇室祭臺庫座

齋宮牌樓

太廟○原定

太廟在

闕左南嚮圍垣一重琉璃甃門三間左右門各一戟門五間崇基石欄中三間前後均三出陛中九級左右七級門內外列戟百有二十左右門各三間前後均一出陛各五級

前殿十有一間重檐階三成繞以石欄五出陛一成均

四級。二成均五級。三成中十有一級。左右九級。東西廡各十有五間。階均八級。燎鑪二。

中殿九間。

後殿九間。兩廡各十間。

後殿東廡南燎鑪一。

戟門外石橋五。橋北井亭二。六角。閑以朱橋。橋南

神庫五間。西嚮。

神廚五間。東嚮。

廟門外之西南奉祠署三間。東嚮。左右房各三間。垣一重。門一。北嚮。東南宰牲亭三間。前治牲房五

開。均西嚮。垣一重。門一。西嚮。井亭一。六角。閉以朱櫺。西南為

太廟街門五間。西北為

太廟右門三間。均西嚮。○乾隆二十八年奏准

太廟甬子河。拆改石橋七座。過水牕二座。改修旱白玉石欄板柱子二十六堂。添建旱白玉石欄板柱子二百八十八堂。河身落深一尺。將

西闕門外玉河水。由

午門前從

東闕門外引進。西大牆外。添做進水溝一道。長八

十五丈四尺。東大牆外。拆改出水溝一道。長十九丈五尺。

午門前成做過水暗溝一道。長七十丈九尺九寸。
○三十八年。奏請重修

神牌。奉

旨。不但

太宗神牌。顯字模糊。即

聖祖神牌。神位二字。色亦淺淡。著一併交該部。敬謹修

理。○嘉慶四年。

高宗純皇帝

孝賢純皇后

孝儀純皇后升祔

太廟重修前後中三殿並兩廡配殿。○光緒四年奏准。

改飾

太廟中殿神龕謹擬

太祖高皇帝一龕。原舊供奉。其次各楹。每楹分為二室。外龕規模遵照成案酌量改飾。

中龕各仍其舊。

穆宗毅皇帝升祔龕座亦按改製尺寸敬謹增修。其隔扇內外一切陳設案椅祭器等項暨新添各件。

典禮攸關。亦酌定尺寸一律改飾。

社稷壇○原定。

社稷壇在

闕右。北嚮。壇制方二成。高四尺。上成方五丈二成。方五丈三尺。四出陛。皆白石。各四級。上成築五色土。中黃。東青。南赤。西白。北黑。土由涿霸二州。房山。東安二縣。豫解解部。同太常寺驗用。內壇四面各一門。櫺閭皆制以石。朱扉有櫺。門外各石柱二。墼色亦各如其方。壇北門內西北瘞坎二。北為

拜殿。又北為

戟門。各五間。均覆黃琉璃。崇基三出陛。門外列戟七十有二。墻外西南

神庫五間。

神廚五間。井一。均東嚮。壇垣周百五十三丈四尺。內外丹雘。覆黃琉璃。北門三間。東西南門各一間。循垣東北隅東嚮正門一。左右門各一。相對闕右門為

乘輿躬祭出入之門。壇西門外宰牲亭三間。東嚮。井一。垣一重。門一。北嚮。西南奉祀署東西各三間。

垣一重門一。東嚮。東遣官房一間。南嚮。東南為社稷街門五間。東北為

社稷左門三間。均東嚮。○乾隆二十一年奏准。

社稷壇年久應行重飾。見新。並於南門外左右。增蓋看守房各三間。街門內左右。增蓋看守房各三間。瘞坎舊在壇壝內。今移建於壇壝外西北隅。又社稷壇四面壝垣。向以五色土隨方壘色。請改為四色琉璃甃瓦成砌。